

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Sužbene novine Zeničko-dobojskog kantona“, broj: 7/10 i 3/23), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 102.sjednici, održanoj 24.10.2025. godine, d o n o s i

O D L U K U

Član 1. (Predmet)

Daje se saglasnost ministru Ministarstva za obrazovanje, nauku, kulturu i sport za potpisivanje Memoranduma o razumijevanju s ciljem podrške radu Akademije nauka i umjetnosti Bosne i Hercegovine, a koji prijedlog Memoranduma čini prilog ove odluke.

Član 2. (Realizacija Odluke)

Za realizaciju ove odluke zadužuje se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 3. (Stupanje na snagu)

Odluka stupa na snagu danom donošenja i objavit će se u “Službenim novinama Zeničko-dobojskog kantona”.

Broj: 02-02-19214/25
Datum, 24.10.2025. godine
Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,
1x Ministarstvo finansija,
1x “Službene novine Zeničko-dobojskog kantona”,
1x a/a.

Zeničko-dobojski kanton, Ministarstvo za obrazovanje, nauku, kulturu i sport, ulica Zmaja od Bosne bb, koje zastupa ministar *Mirza Mušija*

i

Akademija nauka i umjetnosti Bosne i Hercegovine, Bistrik 7, Sarajevo, koju zastupa predsjednik *Muris Čičić*

zaključili su

MEMORANDUM O RAZUMIJEVANJU

S CILJEM PODRŠKE RADU AKADEMIJE NAUKA I UMJETNOSTI BOSNE I HERCEGOVINE

Član 1.

(Predmet memoranduma o razumijevanju)

Potpisnici zaključuju ovaj Memorandum o razumijevanju s ciljem podrške radu Akademije nauka i umjetnosti Bosne i Hercegovine, sa sjedištem u Sarajevu, za period 01.01.2025. do 31.12.2025. godine, a u skladu sa Odlukom o usvajanju Programa utroška sredstava Ministarstva za obrazovanje, nauku, kulturu i sport, u razdjelu 22, budžetska organizacija 01, potrošačka jedinica 0001, ekonomski kod 614200, subanalitika MAD 204, Budžeta Zeničko-dobojskog kantona za 2025. godinu, pozicija „Tekući transferi pojedincima“ – „Tekući transfer za naučnoistraživačku djelatnost“ – izvor 10 („Službene novine Zeničko-dobojskog kantona“, broj: 15/25).

Član 2.

(Utvrdjivanje visine sredstava)

Strane potpisnice saglasile su se da visina sredstava za podršku radu Akademije nauka i umjetnosti Bosne i Hercegovine, sa sjedištem u Sarajevu, iznosi 25.000,00 KM (slovima: dvadesetpet hiljada konvertibilnih maraka).

Član 3.

(Obaveze davalaca sredstava)

Ministarstvo za obrazovanje, nauku, kulturu i sport Zeničko-dobojskog kantona (u daljem tekstu: davalac sredstava) obavezuje se da će iz Budžeta Zeničko-dobojskog kantona za 2025. godinu u okviru pozicije „Tekući transferi pojedincima“ – „Tekući transfer za naučnoistraživačku djelatnost“ uplatiti planirana sredstva s ciljem podrške radu Akademije nauka i umjetnosti Bosne i Hercegovine, sa sjedištem u Sarajevu.

Član 4.

(Obaveze primalaca sredstava)

- (1) Akademija nauka i umjetnosti Bosne i Hercegovine, sa sjedištem u Sarajevu (u daljem tekstu: primalac sredstava) obavezuje se na odgovorno i transparentno korištenje sredstava.
- (2) Primalac sredstava se obavezuje da će sredstva koristiti za razvoj, unapređenje, podržavanje i promoviranje nauke i umjetnosti, afirmisanje kulturno-historijskog i

prirodnog nasljeđa, unapređenje naučnoistraživačkog rada, odnosno za podršku u radu Akademije nauka i umjetnosti Bosne i Hercegovine i da će krajnji korisnici navedenih sredstava biti pojedinci, što će se pravdati kroz dostavljanje izvještaja o namjenskom utrošku sredstava.

(3) Primalac sredstava obavezuje se da će davaocu sredstava dostaviti:

- a) potvrdu banke o vlasništvu i broju transakcijskog računa, ne stariju od šest mjeseci, kojom se potvrđuje da je transakcijski račun solventan, aktivan i da nije blokiran,
- b) uvjerenje o poreznoj registraciji - ID broj.

(4) Primalac sredstava obavezuje se da će po uplati sredstava dostaviti izvještaj o namjenskom utrošku sredstava u skladu sa stavom (2) ovog člana.

Član 5.

(Sudska nadležnost)

Primalac i davalac sredstava saglasni su da se sva sporna pitanja rješavaju dogovorom, a u slučaju spora ugovaraju nadležnost stvarno nadležnog suda u Zenici.

Član 6.

(Broj primjeraka memoranduma)

Memorandum o razumijevanju je sačinjen u 4 (četiri) istovjetna primjerka, od kojih svaka strana zadržava po 2 (dva) primjerka.

Član 7.

(Period važenja)

Odredbe ovog memoranduma o razumijevanju primjenjuju se od 01.01.2025. godine do 31.12.2025. godine.

MINISTAR

Mirza Mušija

PREDSJEDNIK

Muris Čičić

Broj: 10-11-316-10/25
Zenica, 2025. godine

Sarajevo, 2025. godine